

古今醫統大全卷之九十

幼幼彙集下

陰腫疝氣 第十六

病機

小兒陰腫者足少陰為腎之經其氣下通於陰或有少陰之經虛而受風邪者氣衝於陰氣與血搏結則陰腫也然兒有大小壯弱起止中節可也苟腎氣虛或坐石不起冷氣凝之或近地經久風邪濕氣傷之不為陰腫幾希矣間有啼叫怒氣閉擊於下結聚不散加以水竇不行亦能發為此疾

治法

小兒外腎腫大宜牡蠣不拘多少研極細以津唾塗腫處傳蠟於其上或鷄子清調塗亦佳又有疝氣名偏墜腫大蓋小兒生下如此者不疼痛不須攻擊不治自愈若腫痛甚則急服藥宜五苓散青木香丸并踈氣藥服之濟生方用牡丹皮防風為末酒調服極効五苓散內加防風牡丹皮亦効熟者三黃丸服

勻氣散

治櫻兒調補通利後及冷疝腹痛氣滯不和

桔梗

炒一兩

陳皮

去白半兩

砂仁

茴香

各二錢

白薑

炮錢半

甘草

炙二錢

右為細末滾白湯調下冷疝腹痛燒鹽湯下食前服

烏梅散

治櫻兒腹痛初生臍下冷痛疝氣

烏梅一箇去核

延胡索

甘草半生半炙各二錢半乳香

沒藥

釣藤各一錢半

右咀水煎食前服

金葉丸 治癭兒冷疝氣痛及脬囊浮腫

金鈴子肉半兩吳茱萸二錢半

右末酒煮糊丸黍米大食前鹽湯下二七丸

青木香丸 寬中快膈腹痛心下堅痞腸中水聲及陰腫

黑豆炒一兩半

木香

破故紙炒

萆澄茄

檳榔各四錢

右先將檳榔粟飯色溫紙包裹煨焦去飯用檳

榔同前藥為末滴水丸菜豆大每服十丸空心白湯下

傳藥方 治小兒外腎腫大光明

牡蠣灰二錢

乾地龍一錢

為末津唾調塗孰者雞子清調

蟬脫散 治小兒陰腫或坐濕地或風寒或虫蛭吹者用蟬蛻半

兩水二碗煎湯洗腫處則消再溫再洗又服五苓燈心湯則愈

又方用葱園內蛭泥甘草湯調傳腫上亦消止痛

地龍膏 治小兒疝氣腫痛及陰瘡先以葱椒湯洗次用地龍末

雞子清調傳又方研桃仁泥唾調敷

小兒盤腸氣第十七

病機治法

小兒盤腸氣者痛則腰曲乾啼額上有汗是小腸為冷氣所搏然
耳其證口閉脚冷上唇乾者是也此是生下洗滌感受風冷或大

便青色不實宜服欬勝膏魏香散蘊香丸當歸散乳母服烏沉湯或沉香降氣湯

乳香散 治盤腸氣凡有此證急煎葱湯淋洗其腹揉其葱慰臍

腹間良久尿自涌出其痰自止服此藥

乳香

沒藥各等分

為末木香湯調下或煎數沸亦可

當歸散 凡小兒夜啼者寒而腹痛也面青舌冷不吃乳者是盤腸氣也宜服之

當歸

芍藥

人參各一分全

炙甘草五分

桔梗

陳皮各一分全

右末每服二錢水煎有熱痛啼

哭不止面赤唇焦小水黃宜三黃丸人參湯下

釣藤膏

方見天釣門

風諸汗候第十八

病機

夫汗者心之所藏在內為血發外者為汗蓋汗乃心之液故人之
氣血平則寧偏則病經云陰虛陽必轉則發熱而自汗陽虛而陰
必乘則發厥而自汗皆由陰陽偏勝而致也小兒氣血嫩弱膚表
未密若厚衣太煖臟腑生熱搏心為邪所勝津液不能內藏蒸出
肌膚而為汗也又或傷於冷熱陰陽不和津液發泄亦令睡中汗
出其有虛者諸病後汗出多血氣弱潮熱自汗或寒熱發過之後
身涼自汗日久令兒黃瘦失治則變骨蒸疳癆是也盜汗乃熟睡

時湊湊然汗以覺則止而不復出矣是亦心虛宜飲心氣益腎水
使陰陽調和水火升降其汗自止錢氏云上至頭下至項謂之六
陽虛汗不須治之

治法

錢氏云小兒睡而自汗出者肌肉虛也止汗散主之遍身汗出者
香瓜丸主之上至脅下至臍此胃虛也當補脾益黃散主之

有實證自汗外因感冒風邪發熱無間昏醒浸浸汗出或厚衣卧
而額汗出也當救表解肌用百解散止汗散主之

小兒無疾但睡中汗出如水覺而經久不乾此名積證盜汗脾冷
所致宜三稜散次益黃散主之

有時時冷汗漸出髮根如貫珠面額上澀澀然此為驚汗宜鎮驚
丸琥珀抱龍丸及茯苓湯加麻黃根取效有病因睡寐中而身體
汗流此因陽虛所致久不已令人瘦瘠心氣不足津液妄出故也
用茯苓神湯加黃芪主之

藥方

團參湯 治小兒虛汗或心血液盛而發為汗此藥收斂心氣

揀人參

川當歸 各三錢

咀用猪心一枚切三片每服二

錢猪心一片井水二盞煎六七分食前作二次服

撲汗方

黃連

牡蠣粉

貝母 各二兩

米粉 一升

右為細末以絹囊盛撲

牡蠣散

治血虛自汗或病後暴虛津液不固自汗

牡蠣二兩

黃芪

生地黄

各一兩

右末每服二錢或加小麥煎

止汗散

治小兒睡汗用故蒲扇燒灰撲身上如無扇故蒲亦可

通神丸

治小兒夜間通身多汗

藁龍膽

不拘多少

為末醋糊丸菉豆大每服五七丸米飲下

又方

治睡中汗出用酸棗仁人參茯苓

各等分為末

每服二錢食前

米飲調服

風諸淋候

第十九

病機

小兒諸淋者腎與膀胱也膀胱與腎為表裏俱主水水入小腸下於胞行於陰為小便也膀胱津液內鬱水道不通停積于胞熱則溢故令水道不利小便淋瀝故謂之淋其狀小便出少小腹急痛引臍是也有石淋氣淋血淋名雖有五摠屬於熱

治法

治淋之法金沙散立効五苓散木通散八正散導赤散等劑服之亦與大方脉相參用藥

藥方

葵子散 治小兒諸淋小便不通

葵子

車前子

木通

瞿麥

赤茯苓

桑白皮

梔子

甘草

炙各
等分

右咀每服二升葱白二寸煎乳食前服

八正散 治心經蘊熱遺於小腸口燥咽乾五淋之證方見太
人門

導赤散 治小兒血淋方見熱門

冬葵子散 治小兒小腹急悶小便淋漓

冬葵子 一兩

木通 半兩

為末每服二錢燈心一束煎服

車前子散 治小水不利

茯苓

猪苓

香薷

車前子

人參 各等分

右末每服二升燈心湯下

尿血方

生蒲黃

生地黄

赤茯苓

甘草

各等分

右咀每服一錢煎調髮灰食前服

金砂散

治小便淋瀝不通

鬱金

海金砂

滑石

甘草

各等分

右末每服二錢煎木通燈心湯下或冬瓜湯下亦可

局方五淋散

治諸淋小便血尿如豆汁如膏

方見大人門

鳳白濁候

第二十

病機

小兒尿白者由乳母乳乳哺失節過傷於脾故使清濁不分而尿白

如米泔也久則成疳亦心脾伏熱而得之宜路脾土消食化積通利小便也茯苓散三稜散八清飲子可選而用之

茯苓散 治小兒尿白狀如米泔

三稜

莪朮

砂仁

赤茯苓

各半兩

青皮

陳皮

滑石

甘草

各二兩半

右為末每服一錢麥門冬湯調下或加燈心煎

三稜散 治小兒尿白久而成疳此藥實脾土消食化疳積

三稜

莪朮

炮各一兩

益智仁

甘草

炙

神麴

麥芽

炒

陳皮

各半兩

右末每服二錢燈心湯調下

分清飲 通心氣補漏精治小便餘溺赤白濁

益智仁

川萆薢

石菖蒲

烏藥各等分

右咀每服二錢燈心前可加茯苓白芍各等分

遺尿候第二十一

病机

小兒遺尿者此由膀胱有冷不能約於水故也夫腎主水腎氣下通於陰小便者津液之餘也膀胱為津液之府腎與膀胱俱虛而冷氣乘之衰弱故不能約制其水出而不禁故遺尿也又有尿床者亦由膀胱冷夜屬陰小便不禁胞裏自出謂之尿床也宜破故紙散益智仁散雞腸散服

雞腸散 治小兒遺尿床

雞腸

牡蛎

白茯苓

肉桂

龍骨

各二升半

桑螵蛸

炒各半同

為末每服二錢姜黃湯調服

雞臍脰 治小兒遺尿

雞臍脰 一具

雞腸燒

猪胞 炙焦

右為末每用一錢酒調服男雌女雄

又方

破故紙

一兩

炒為末每服一錢熟湯下

一方六智仁白茯苓

苓

等分

為末每服一錢空心米湯下

一方五倍子半生半炒為

末米糕丸空心白湯下一錢

大小便不通候

第二十二

病機

小兒大便不通者乃是肺氣有熱在裏流入大腸以致秘結不通
乃實熱也當以四順清涼飲加紫胡或神芎丸太紫胡湯以流利
之小便不通者皆因心經不順或伏熱或驚起心火上炎不能降
濟腎水不上升故使心經愈熱而小腸與心合所以小便不通也
宜木通散主之甚者八正散服之小便不通臍腹妨悶心神煩熱
宜梔子散主之又有傷寒體熱頭目昏沉不思飲食夾驚夾食寒
熱大小便皆閉澀不通煩躁作渴冷汗妄流變積傷滯膈滿脹急
青黃體瘦日夜大熱及傷風傷暑驚癇客忤筋骨腎臟疳蟲等熱
大小便不通者並宜脫甲散六連翹飲加大黃神芎丸皆可服之

小兒驚風積熱大小便閉澀用掩臍法以連鬚葱不洗帶土生姜塊淡豉二十一粒鹽二匙同研爛作餅氍子烘熟掩臍中以綿條札定良久氣通自利不然再換一劑如不通服藥

木通散 治小兒小便不通

木通

滑石各一兩

黑豆炒半兩

右咀燈心葱白煎服量小以意加減

梔子仁散 治小兒小便不通臍腹妨悶心神煩躁

梔子五枚

茅根

冬葵子各半兩

甘草

右咀每服二錢不拘時煎服

掩臍法